

Date – 02/12/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Mizoramah HIV/AIDS vangin kum 1990 atanga kumin August thla thleng khan mi 5,277 an thi tawh.
2. Sorkar laipui-in Mizorama awm mek raltlante tana a thlawna sem tur buhfai a rawn pek chu Aizawl district tih lohah chuan sem mek zel a ni.
3. Nagaland-a kut hmingthang Hornbill Festival vawi 25-na chu nimin khan ropui taka hawn a ni
4. Prime Minsiter Narendra Modia chuan Police te chu ramchhunga سوالنا hrang hrang thleng thin chu chonaah hmang turin a chah.

<><><>

WORLD AIDS DAY

Mizoramah HIV/AIDS vangin kum 1990 atanga kumin August thla thleng khan mi 5,277 an thi tawh.

Mizoram State AIDS Control Society (MSACS) chhinchhiah danin, kum 1990 October atanga kumin August thla thleng khan Mizoramah HIV vei 31,461 hmuhchhuah an awm tawh a. HIV avanga thi zat hi mi 5,277 ni a chhinchhiah a ni. HIV kai tam ber za zela 91 point 23 te chu kum 15 atanga kum 49 inkar mi an ni a. HIV hrik kaina tam ber chu mipat hmeichhiatna atangin a ni a, mipat-hmeichhiat hman atanga kai hi za zela 63 point 93 an ni bawk a. Ruihhlo a inchiuna atanga kai za zela a 30 point 80 leh nu leh pa atanga naute-a kaichhawn za zela 2 point 71 an awm a, a chhan sawi fak tur hirat loh za zela 1.47 an awm bawk. HIV/AIDS damdawi Antiretroviral Therapy (ART) la mek mi 16,661an awm mek bawk a ni.

Hei bakah hian National AIDS Control Organisation (NACO) in India rama HIV AIDS dinhmun a tarlanna, kum 2023-a HIV Estimate leh HIV Sentinial Surveillance a tihchhuahah Mizoram chu India rama HIV hluarna ber a ni chhonzawm a, ram mipui atanga chhutin HIV kai zat hi za zela 2 point 73 a ni a. Hetih lai hian kum 2023-2024 chhungin Mizorama HIV kai thar zat chu a tlahniam hret a, HIV hluarna ber state erawh a la ni chhonzawm zel a ni. Khawvel ram changkang zawkah kumtin HIV kai thar zawi zawiin an tlem zel a, ram thang lai leh rethei zawkah he natna hi a darh chaka, buaipui a hlawn a ni. India ram hi mipui cheng tam ram bik ram tehnaah South Africa leh Nigeria te hnuaiah 3-na a ni mek a ni.

Nimin kha ‘World AIDS Day’ a ni a, he ni hi HIV/AIDS chungchang zirhona leh a veite chhawmdawl a, tanpuina hun atan hman thin a ni. Presbyterian Church of India, Mizoram Synod hnuaia tualchhung kohhran hrang hrangah he ni pual thuchah, hemi chungchanga mipuite hriat tur pawimawh leh zirtirna te chhiarchhuah a ni a. He ni hman dan tur a ruahman

hrang hrang te tarlan a nih bakah Mizoramah HIV/AIDS a zia-awm zel theih na'n leh kai thar an awm belh loh na'na inven dan pawimawhte leh hmalakna tur hrang hrangte kohhran mipuite hriatah an tarlang bawk a ni.

Hetih lai hian nimin tuk khan Khawzawl District AIDS Prevention and Control Committee member te chuan SDO (Sadar) Pu Suvigya S. Chandra hovin World Aids Day pualin Khawzawl a Home pahnih Chhanchhuahna Home - Zuchhip hmunhluiah leh Grace Camping Center, Khawzawl JNV School bul a mi te chu kalchilh in an mamawl hrang hrang - tel, alu, dal leh nutrela engemawzat bakah pawisa fai an hlan.

Hei bakah hian kumin World AIDS Day thupui 'Kawng dik zawh rawh' (take the right path) tih a nih angin kar leh Nilaini December ni 4 khian Khawzawl District Hospital Meeting hall-ah khawvel puma HIV darh zel tur leh he natna vei mekte endawngna leh thinhrikna a bo na'n leh enkawlna tha an dawn theih na'n District Hospital-a doctor, nurse leh thawktu zawng zawngte tan HIV Act 2017 chungchang zirtirna buatsaih tum a ni.



RICE FOR REFUGEES

Sorkar laipui-in Mizorama awm mek ralflante tana a thlawna sem tur buhfai a rawn pek chu Aizawl district tih lohah chuan sem mek zel a ni.

Food, civil supplies & consumer affairs (FCS&CA) department hotute hnen atanga thudawn danin Myanmar, Manipur leh Bangladesh atanga ralflan awm mek mi 40,000 vel tana buhfai sem tur ruahman metric tonne 1,379 leh quintal 30 hi November ni 18 khan FCS&CA hian Food Corporation of India (FCI) hnen atanga la chhuakin district tin-a kudamah a thlen fel vek hman a. District thenkhat thuneitute chuan November ni 20 atang khan an district chhunga ralflante hnenah an sem tan hman a ni. Ralflan tamna ber Champhai district-ah hian Myanmar mi 13,986 leh Manipur mi 404 an awm a. An tana buhfai ruahman chu quintal 4,533 a ni a, Ningani (November ni 28) atang khan an sem tan. Ralflan ngah ber dawttu Lawngtlai district hian Myanmar ralflan 5,922, Bangladesh ralflan 2,014 leh Manipur mi 84 an mikhual mek a. Lawngtlai district tana buhfai sem tur ruahman hi quintal 2,526 a ni a, sem chhuah tan a ni tawh a ni. A dawt leha ralflan ngah ber chu Aizawl district niin a vaiin ralflan 7,803 an awm mek a (Myanmar mi 3,411 leh Manipur mi 4,392 an awm) buhfai quintal 2,458 sem tura ruahman a ni.

Aizawl district-ah hian buhfai sem chhuah a la ni lova. Sem chhuah lawk a nih loh chhan hi Aizawl district-ah hian a thlawna buhfai dawn mamawh lo ralflan hausa tak takte an awm avangin zir chian mek a nih vang a nih thu district thuneitute chuan an sawi a. Chu chu chinfel a nih hnu-ah chauh sem chhuah a ni dawn a ni, an ti. Siaha district-ah hian Myanmar ralflan mi 5,953 an awm mek a, Manipur leh Bangladesh mi an awm ve lo. Siaha district hian November ni 20 atang khan buhfai an pek chhuah tawh thu district bawrh sap Pu VL Hruaizela chuan a sawi a, sem chhuah tur an dawn hi quintal 1,875 a ni a. Ralflan tlemna ber Khawzawl district chuan ralflan 147 chauh mikhualin buhfai quintal 46 chauh sem tur a dawng a ni.

Ralflan hi Mizoram chhuahsan leh lo luh belh an awm reng avangin a awm zat dik tak hi a danglam reng a. Tun dinhmun thar bera Mizorama

raltlan awmzat chu 42,164 a ni a. Myanmar raltlan 33,032, Manipur raltlan 7,118 leh Bangladesh raltlan mi 2,014 te an ni. Tuna sorkar laipui-in buhfai a thlawna sem tura a rawn ruahman hi cheng vaibelchhe 5 hu a ni a, buhfai leina leh phurhna senso hi Ministry of Home Affairs in a tum vek a ni.



POACHING

Zirtawpni zan khan Bairabi Forest Range a thawkte chuan sakhi ruang, silai a kahhlum ngei ni a hriat chharin a kaphlumtu a puh mi 3 an man.

Bairabi Chhim Veng Branch YMA duty te hnen atanga thu dawn bawhzuiin Bairabi bul Tlawng kam, Kheva kaiah mau sat a inhlawh thin ni a insawi Chakma pathum hnen atangin Bairabi Forest Range hnuaiia thawktute chuan sakhi ruang, a taksa a silaia kahna hnu hma awm an hmu a. Hemi thilah hian sakhi kaphlumtu ni a puh mi pathum- Prodip Chakma (40), Prodip Poddo Chakma (36) leh Geno Prodip Chakma, Bhaichorra, Hailaiandi District, Assam-a cheng vek te chu an man a. Inrinni khan Kolasib District Court-a 1st Class Magistrate hmaah hruai-in, an lakah hian Criminal Complaint thehluk a ni. Magistrate thupek angin heng mi pathum te hi Kolasib District Jail-ah dah luh nghal an ni.

Sakhi ruang hi Magistrate phalna in sah sawm a ni a, Diesel leih a nih hnuah lei laih khuar thuk takah phum a ni. Sakhi hi ramsa humhalhna Dan Schedule I a awm niin, hetiang ramsa laka Dan bawhchhetu chu kum 3 (kum 7 thleng pawhsei theih) Jail tang tur leh Rs 25,000 aia tlem lo chawi tira hrem theih an ni.



EMRS

Social Welfare, Women & Child Development Minister Pi Lalrinpuii chuan Zirna-Education chu kawng tinrenga hmasawonna ni mah se “by-heart” chak chak dinchhuahna leh dinchanna, ngaihsanna ah Mizoram education system chu a kal mek nia a hriat thu sawiin, hemi kawng ah hian zirlaite chu an zirlai ah awmze nei leh hriatthiamna nei tura a duh thu a sawi a ni.

Pi Lalrinpuii hian Eklavya Model Residential School (EMRS) in 3rd Mizoram State Level EMRS Meet kharna a Inrinni tlai a a hmanpuina-ah thusawiin, infiammi-te tan hamthatna a tam dan leh infiammi thenkhatte chu mi hlawhtling tak tak sum leh paiah pawh India ram infiammite zinga hlawhtling tak tak an lo chhuak mek zel a ni a ti a. Footballer lama hlawhtling tak tak te ngaihtuah chuan eizawonna tlak tak a nih thu a sawi lang bawk a ni. Ruihtheih thil laka Mizo zirlaite chu an fihlim theih nan infiamna a pawimawh tih sawiin Mizoram ah HIV a darh chak hle a heng venna atan hian infiamna chu a tangkaiin a pawimawh takzet a ni tih a sawi bawk a ni.

He EMRS Sports Meet ah hian Mizoram Eklavya Model Residential School 11 te telin chu’ng EMRS te chu Lunglei, Serchhip, Ngopa, Lawngtlai, Chawngte, Tuipang, Tlangnuam, Tlungvel, Niawhtlang, Bilkhawthlir leh Zawlnuam EMRS te an ni. Sports disciplines hrang hrang 16 -ah inelna neih a

ni a, Zirtirtu 33 leh zirlai 330 an tel a, he inelnaah hian a pumpui-ah EMRS Lawngtlai te chu Gold 27 la-in pakhatna an ni a, EMRS Serchhip chuan Gold 24 la-in pahnihna din hmun an hauh a EMRS Tuipang chuan Gold 23 la-in pathumna ni. December ni 14 atanga 19 chhung hian Raipur, Chhattisgarh-ah National Level EMRS Sports Meet 2024 chu neih a ni dawn a Mizoram EMRS aiawhin state level a tithate chu tirhchhuah an ni dawn a ni.



AIR ON SOCIAL MEDIA

Chanchin thar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.



HORNBILL

Nagaland-a kut hmingthang Hornbill Festival vawi 25-na chu nimin khan ropui taka hawn a ni a. Kumin hi Horbill Festival vawi 25-na hi Kisama-a Naga Heritage Village-ah ni 10 chhung hman a ni dawn a. Nagaland Governor La Genesan leh Chief Minsiter Neiphu Rio te chuan an hawng a ni. He festivalah hian hnam ziarang chi hrang hrang khawvel hmuhah pholan a ni ang.



PRESIDENT

President Draupadi Murmu-i chuan vawiinah National Awards for Empowerment of Persons with Disabilities a sem dawn. Vawiin International Day of Persons with Disabilities ah hian President chuan mi 22 leh pawl 11 hennah National Award hi a sem dawn a. Union Social Justice and Empowerment Minister Dr Virendra Kumar chuan rualbanlote tana sawrkarin hamthatna thar a siam hrang hrangte a tlangzarh dawn bawk a ni.



PM

Prime Minsiter Narendra Modia chuan Police te chu ramchhunga سوالنا hrang hrang thleng thin chu chonaah hmang turin a chah. DGP leh IGP Conference a hmanpuinaah he thu hi sawiin Pu Modia chuan internet-a inbumna te, pawikhawihna dang leh Artificial Intelligence (AI) technology lo lian chho zelte chu remchanna tharah hmang turin a chah a ni. Pu Modi-a chuan Police hotute conference-a an sawihona hrang hrangah a ngaihtuahin lungawithlak a tih thu a sawi bawk a ni.

VC

PM Modia hian President's Police Medals for Distinguished Service a sem bawk a ni.



COP16

United Nations Convention to Combat Desertification Conference of Parties (COP16) vawi 16 naah India a tel dawn. COP18 hi vawiinah Saudi Arabia khawpui Riyadh ah tan ani dawn a. He hunah hian India tiamin ram 197 atangin palai an tel dawn a. Kumin hi UCCD kum 30 tlinna tur a ni.